

Gėmiau 1931 metu lėipas 29 dėina Mažeikiu rajuona Tirkšlėiu apylinkės Lėlaičiu kaimė. Tievaa bova ūkininkaa. Bėngiau Vėlniaus pedaguogini insti-
tuta. Dėrbau Klykuoliu, Akmenės, Mažeikiu muokykluos, administracėni dar-
ba Mažeikiūs, Vyriausybie. Vuo paskotėnees metaas patraukė žornalistėka:
bovau "Muoksla Lietovuos" ats. sekretuorios, pėrma Lietovuo specellzouta
reklamas žornala vaduovams "RD" redaktuorios.

Eilėraštius rašau nu pat muokyklas laikū, sava maluonomou. Šėik tėik anū
eso spausdėnės Mažeikiu rajuona, "A mon sakaa?" laikraščiūs, sava kūrybas
kningelies "Nuors mėnotė tyluos" er "Širdie pasėklystė gali". Kelėms eilėraš-
tems eso pritalkės meluodėjės.

1994 metu kuova 10 dėina

Oužoulaa

Oužoulū narauna viejee,
Anėms nadržaska pašakiū.
Mas, kaap oužoulaa, nabjuom
Sava priešū nikuokiū.
Ugni oužoulou kūrenuom,
Dėrbuom kuokas oužoulū,
Narsee gyniemies nu sena
Iš Rytū er Vakarū.
Vės daa oužoulus tabsauguom,
Gėidam gėismės oužoulams.
Patys oužoulaas išauguom,
Taa er saulė naužtems.

Jeego nuori paviliuotė

No, žemaitės,
geri žmuonės,
Par savaitė
Naužmuonysi
Kuokiuom šnektuom
Ar saldaines,
Ka patėktom
Tava dainas.
Reek prėsiėktė
Katrū dėina,
Ka tau reek tik
Anuos vėinuos...
Jeego nuori paviliuotė,
Metus turi
Vės biegiuotė.
Vės tik paskou,
Vės tik karto
(Nutyliėk jau
Jee er bartu).
Metus biški pakintiesi —
Tumet muotrėška turiesi.

Saulė

Saulė, saulė vėskou kalta —
Monėj spėgėna i vėida,
Kumet muokiau sava tauta,
Ėr tėik greitaa nusileida,
Ka nuoriejau pasėgautė.

Dongaus vėduriee

Parskaituom mas tava varda
Unt smėltelės pajurie,
Tėn, kor kregždės aukštaa
narda—
Pačiam dongaus vėdurie.

Parskaituom mas tava varda
Šaltam Vėntuos undinie,
Mėškūs, skruzdynaa kor verda,
Mums tou vardo vadiny.

Parskaituom mas tava varda
Truobuos longė paprastuos,
Er išgėrstam ratams dardont
Švėnta varda Lietuvuos.

Mas neišdeviem tuo varda
Ni par mara, ni karūs,
Nuors er mindžiuojė, er spardė,
Šaldė kraštūs svetėmūs.

Šuokis

Einu, einu.
Einu, einu, einu.
Einu, einu, einu —
Niekor nenuelnu.

Šuoku, šuoku.
Šuoku, šuoku, šuoku.
Šuoku, šuoku, šuoku —
Niekor nenušuoku.

Dėrbu, dėrbu.
Dėrbu, dėrbu, dėrbu.
Dėrbu, dėrbu, dėrbu —
Nieka nepadėrbu.

Mėigtu, mėigtu.
Mėigtu, mėigtu, mėigtu.
Mėigtu, mėigtu, mėigtu —
Nikaap neišmėigtu.

Myllu, myllu.
Myllu, myllu, myllu.
Myllu, myllu, myllu —
Er ysimylėjau!



Plungė

Polkos miests ta mūsa Plungė,
Išsėstačius pri Babrunga,
Kor šašouledee krent parkė,
Er kor kriuoquee už tėik smarkee.
Pasakyk vo kū taap slep
Oužoula Parkūna laps,
Senvagės er opės vingee?
Kor žinyčee če pradinga?
Tvėnkėnee, lėptėlis, tėlts,
Juoniniu kalns kėnuo supėlts?
Dėl kuo vėsad senamė parkė,
Nors er būtumi kėik pavargės,
Nuoras eitė, eitė, paklystė
Er vėinam pabūtė biški?
Viel par lėpta, pro švėntuorio,
Daa sugryžt i parka nuori.
Tėn, kor žmuogos glousniu tvuora
Opė lauk iš peivas vara.
Spaud ons opė kaap olands,
Dalgj undinie galond.
No er puiki mūsa Plungė,
Opė tėltaas susėjungus.
Vies unt kalna smiltis neš,
Va pakalni dorpės kas.
Kuoks če kraštis, kuokėi
če žmuonės!
Negal būtė abejuonės:
Kas namatė daa tuos šalėis,
Neaplonkė kas Platėllu,
Lai važiou če plinkee, velkee,
Pasėriedės poikee, poikee.

(Nukelta i 12 psl.)

(Atkelta iš 11 psl.)

ELEKŠIS JUOZOS

Vizėjė

Tuo žemie

Žemaitėe mas esam er būsam
 Tuo žemie, pri Baltijos jūras!
 Če tievaa er pruotievee mūsa
 Nu omžiu englejems vės tūras.
 Tėik daug mas pralėjuom če kraujė,
 Natekuom narsiausiu gynieju.
 Jee reeks viel pakėlsem iš naujė
 Išgintė pėktū užpoulieju.
 Žemaitėe, tik mas naklausykem,
 Jee lėips kas nakėst sava bruolė —
 Jau bova par omžius daug sykiu
 Supjodė, va paskiau užpoulė.
 Nu argi mums priešaa sosiedaa,
 Jee šnektas anū napatėka?
 Ar tor tas bėnt saazėnė, gieda
 Sakytė, ka tas priešos palėka?
 Žemaitėe, taa būkem vėiningė,
 Vėns kėta pajimkem už ronku.
 Mas Lietovaa dėrbtė natingam,
 Lai tiktaas perkūna natronkuos!

Dainiokem, žemaitėe!

Dainiokem, žemaitėe, dainiokem —
 Dainioutė er linksmintėis sveika.
 Ateekem so dainė er jouko,
 So jouko er dainė išeeekem.
 Dainioudamė smarkee našaukem,
 Ka vuobėlės suodnė nalūžtu,
 Ka lapės er zoikee par lauka
 Nabiegtu iš nuosavu gūžtu.
 Dainiokem, žemaitėe, už stala,
 Dainiokem i kėima išėjė,
 Naveizam, ka galvas pabala
 Ar oustaa tik želtė pradiejė.
 Dainioutė ka jau nabgaliesam,
 Mas šuoktė so klumpees pradiesam.
 Jee grindū pu tuo nabturiesam,
 Naskūsimies nikumet, niekam!

Tava varda pamačiau
 Unt žėidelė pėivuo
 Er prisiglaudžiau arčiau
 Tū stėibėli tėiva.

Tava varda išgėrdau
 Špuokaa ka pragyda.
 Er nuskyniau neštė tau
 Balta pėinės šyda.

Vėina varda bežėnau,
 Vėinas bier tik akys.
 Ka kas būtom kor gražiau,
 Nieks mon nier daa sakės.

Švėnta žemė er dongau,
 Leisk mums būtė karto.
 Aš prisėiksio, ka daugiau
 Nieka nemylieso.

Pasikielė šiaurės vies,
 Pėiniu poukaas sning.
 Nieks mon laimės nabžadies —
 Vizėjė pradinga.

GRĖGUOLA PUOVĖLS

Gėmiau 1956 metu sausė 22 dėina Plungės rajuona Stalgienų apylinkės Godaliu kaimė. Če, natuolėj Mėnėjės opės nuognee gražiuo vėituo, ėr ožaugau. Ciekavastės ėr meilė gamtaa stėprėna gruožė pajautėma, ožuojauta ėr nuora padietė sėlpnysims.

1974 metaas bėngiau Plungės pėrmoujė vėdorėnė muokykla. Taas patees metaas istuojau i Lietuvuos veterėnarėjės akademėjė, vuo po metu perejau i Vėlniaus pedaguogėni instėtuta ėr tėn isėgėjau kemėjės-biuoluogėjės specelybė. Pradiuo dėrbau muokykluo, paskiau gamykluo (dėrbtėniu uodū), tėn nuoriejau tėnstė muokslėni darba, bet apsėnuodėjau so kemikalaas ėr toriejau gamykla palėktė. Tuomet ėr atėjau i kultūra. 1987 metaas pradiejau dėrbtė Plungės cėntrėnie bėbliuotekuo. Če isėtraukiau i S. Daukanta kluba ėr Žemaitiu kultūras draugėjės veikla. Nu 1993 metu lapkrėtė mienesė perejau dėrbtė i Žemaitiu dailės moziejė.

Ellieraštius pradiejau rašytė dar muokykluo, muokytuoju paokatyts. Nu tuo laika ėr rašau.

1994 metu vasarė 9 dėina
 Paulauskaitės Kristinas puortėgrapėjė



Laukėms

Kaap ba meilės, ėšmintėis nier būtėis,
 Taap ėr aš ba Tavės — taa eso, taa neso.
 Pagal Dzeusa nuosprėndi ož pruotieviu kaltės
 Mas toram ėiškuotė sava ontruosės posės.
 Aš žėnau — To esi gal tuolėj, gal če pat,
 Tik namuoko pašauktė, tik namuoko soprastė.
 Aš jauto — To kvėitė, To ilgys monės
 Kaap vakars naktėis, kaap rytmetis dėnuos.
 To pri longa parėmusi akeliem sožalbouk —
 Aš nošvėtės ont slėnkstė apkabinsio Tavi.

Bieg dėinas

Bieg dėinas, skob metaa —
 Gėrdas aids praetties.
 To mėslėji, kon viel rasi,
 Kuo netektė daa gall.

Naradau ėšminčiu raštūs
 (Ni didžlūju pranašū)
 Skausma, kėik šėrdės panešto
 Ǝr kėik džlaugsma tam kelle...